

Laahâ

nuorttâlâšlaavâ nubásmitmist

Ovdâskode miärdâs miäldâsâvt
nubásmitto nuorttâlâšlaavâ (253/1995) 49-51 já 63 §, tagarin ko tain láá 49, 51 já 63 § laavâst 83/2014, čuávuvávt:

49 §

Valjälâvdikode miärdâsâst vaidâlem

Ovdiibeln 48 § 2 momentist uáivildum olmooš uázžu uuccâđ nubástus valjälâvdikode miärdâsân väidimáin Tave-Suomâ haldáttâhriähtán 30 peeivi siste tast, ko vaaljâ puáđus lii almostittum, toin aggáin, ete miärdâs luávkká suu vuoigâdnuotâ tâi lii šoddâm puástuornigist tâi lii mudoi laavâvuástâsâš. Eres oosijn nubástusucámist heiviittuvvoo, mii riehtijotemist haldáttâhaašijn adelum laavâst (808 /2019) asáttuvvoo.

50 §

Miärdâsâst tiedettem já tiättunadelem

Annoo, ete nuorttâlâš lii finnim sijdáčuákkim tâi nuorttâlâšrääđi miärdâsâst teikâ vaaljâ puátusist tiäđu talle, ko miärdâs tâi vaaljâ puáttus siskeleijee pevdikirjevááldus lii pieijum uáinimnáál Aanaar kieldâst kieldâlaavâ (410/2015) 108 § miäldâsâvt já nuorttâlâš ovdâulmuu toimáttuvâst. Miärdâsâid já vaaljâ puáttus puáhtá lasseen almostittid meid päikkikoddeest almolávt levâneijee aavisist, jis sijdáčuákkim nuuvt meerrid. Kuás miärdâs kuáská tuše ovtâskâs nuorttâlâžân, te annoo kuittâg, ete tiättunadelem lii tábâhtum talle, ko miärdâs lii tuodâštus miel adelum äššiomâhâžân tiáttun.

51 §

Sijdáčuákkim já nuorttâlâšrääđi miärdâsâst väidim

Nuorttâlâš sijdáčuákkim já nuorttâlâšrääđi miärdâsân uázžu nuorttâlâškuávlust ässee olesváldâlâš nuorttâlâš tâi suu pelikyeimi teikâ nuorttâlâšrääđi jeessân uuccâđ nubástus väidimáin Tave-Suomâ haldáttâhriähtán toin aggáin, ete miärdâs lii šoddâm puástuornigist tâi lii mudoi laavâvuástâsâš. Siämmâš vuoigâdnuotâ lii sust, kiän vuoigâdnuotâ miärdâs luávkká.

Nubástus ij kuittâg uážu uuccâđ taggaar miärdâsân, mii siskeeld ciälkkámuš virgeomâhâžân, jis ciälkkámuš ij čoonâ virgeomâhâš.

Nubástus kalga uuccâđ 30 peeivi siste miärdâsâst tiedeetmist. Eres oosijn nubástusucámân heiviittuvvoo, mii riehtijotemist haldáttâhaašijn adelum laavâst (808/2019) asáttuvvoo.

23/2021

63 §

Nubástusuuccám

Iäláttás-, jotoláh- já piráskuávdáá miárádásân occoo nubástus väidimáin Tave-Suomá haldáttáhriáhtán.

Eres oosijn nubástusucámist haldáttáhtuámustoovlin asáttuvvoo riehtijotemist haldáttáhaasijn adelum laavâst.

Taat laahâ puátá vuáimán 19 peeivi uđđáivemáánu 2021.

Helsingist 15 peeivi uđđáivemáánu 2021

Täsivááldi President

Sauli Niinistö

Eennâm- já meccituáluminister Jari Leppä